

【四宏誓】（科註第300頁倒數第5行2012年12月21日第78集）

《三藏法數》「四弘誓」：〔出止觀大意〕

弘，廣也；誓，制也。謂菩薩廣發誓願，要制其心，志求滿足也。

〔一、眾生無邊誓願度〕，此依苦諦境而發誓也。謂菩薩遍觀六道眾生等類，無量無邊，皆被生死諸苦所逼，一一不虛，故發誓願欲度脫之，令出三界。故云眾生無邊誓願度。

〔二、煩惱無數誓願斷〕，此依集諦境而發誓也。謂菩薩諦審煩惱惑業無量無邊，能招集生死苦果，流轉三界無有窮盡。故發誓願，欲斷除之，而使六道眾生，悉亦斷除，令出三界。故云煩惱無數誓願斷。

〔三、法門無盡誓願知〕，此依道諦境而發誓也。謂菩薩諦審一切道法，無窮無盡，能通至涅槃。自既知己，亦令一切眾生證知。故云法門無盡誓願知。（梵語涅槃，華言滅度。）

〔四、佛道無上誓願成〕，此依滅諦境而發誓也。謂菩薩諦審菩提之果，最勝無有過上，自成就已，普願一切眾生咸皆成就。故云佛道無上誓願成。（梵語菩提，華言道（新譯覺，覺悟）。）